

12 Ikenh kenkayen nyare orighwiyu eghdakhadiyenghdaghkwe ji-nonkadyh *James*-neh, wathondonde ne yaghdeshodirighwiyughstonh: nok ne o-nenh eghshahhonnewe sahhatyadarako ony donsahhondekhaghsy thishaonhhaah, waghshakotshanike ne ro-naderighwakwarighsyonh.

13 Nokhony ne otyake ne *Jews*-aka donsahhondoko shatyawenne ne raonhha; ne dakarihonnnyade ne *Barnabas* ony akde sahhonwayadenhhawighde ne ne thiyehhonnennowenghdonh kanikonrhodon.

14 Nok ji-o-nenh Wakatkagtho yaghne dehho-nathahhit ne ne jiyuderighwakwarighsyonh ne ne ji-nonka norighwiyuonweh ne ne orighwadokenghdy, Wahhiyenhaghse ne Kwiter raodihhendonh nakwekonh, Dokat, nise, *Jews*-aka enkenhhake, eghky nasonnhodenhake ji-niyugth ne yaghdeshodirighwiyughstonh, nokhony yahheghdesayerenh ji-niyugth ne *Jews*-aka, oghnaah thondaghshe-yennonghtonse ne nyaghdeshodirighwiyughstonh ne ne eghnaonnonnhodenhhake ji-nihhodiyaerenh ne *Jews*-aka?

15 Onkyonhha wahha ne *Jews*-aka eghnityomhodenh, ony yaghdewonkwarihwancraaxkonh jiniyugth ne yaghdeshodirighwiyughstonh,

16 Yonkwaderyendare ne ne ronkweh yaghdeshho-nheghtsera ne ji-nikayudenghserodenh ne yuderighwakwarighsyonh, ok nyare enthaweghdaghkon ne Yesus Keristusneh, shaden-yawenne nonkyonhha o-nenh tyonkweghdaghkonh ne Yesus Keristustserakonh, ne ne aondon ne onkwanheghtsera ne entyonkweghdaghkon ne Keristusneh, yaghne ne ji-nikayudenserodenh ne atdakwarighsyonghsera: ikenh ne ji-nikayudenghserodenh ne aghtyawenraughtsera yahhogthaowaghroden thayuyadake-nha.

17 Nok dokat ne aedewarighwesaxheke ne nayonkwayadake-nha ne Keristusneh, onkyonhha yadedewayadighshon ony en-yetshenry ne jiyakorighwaneraaxkonh, ne kady genh wahhonny ne Keristus ne rajihhenstajih ne karighwaneren? Niyoh rorighwaghtstenh.

18 Ikenh doka ne aonsakerighwakwatho shekonh ne ji-niyadekariwakeh ji-nahhoden ne ne Nenwakerighwaghdondonh, I-ih ky na wakadadonny nakwah yerighwaxhatha.